


T5237.47/0304

三

3



雅音會編卷之八

哈爾濱大學哈爾濱
圖書館珍藏印

羊城康麟文瑞集次

後學剡溪王鈍校正

下平聲

四豪

五言絕句

正音

塞下曲

盧綸

月黑鴈飛高單于夜遁逃欲將輕騎逐大雪滿弓刀

長信宮

劉方平

夢裏君王近宮中河漢高秋風能再熱團扇不辭勞

遺響

春閨

三首其二

崔道融

欲剪宜春字春寒入剪刀遼陽在何處莫望寄征袍

從軍行

三首其二

令狐楚

却望冰河濶前登雪嶺高征人幾多在又擬戰臨洮

李集

觀放白鷹

八月邊風高胡鷹白錦毛孤飛一片雪百里見秋臺

韓集

柳溪

柳樹誰人種行行夾岸高莫將條繫纜著處有蟬號

五言律詩

丁卯集

晚發天井關寄李師晦

許渾

山在水滔滔流年欲二毛湘潭歸夢遠燕趙客程勞
露曉紅蘭重雲晴碧樹高逢秋正多感萬里別同袍

送李暝秀才西行

萬里不辭勞
寒裝疊緼袍
停車山店雨
挂席海門濤
鷹勢暮偏急
鶴聲秋更高
知君北邙路
留劍泣黃蒿

送樓煩李別駕

琴清詩思勞
更欲學龍韜
王粲暫停筆
呂虔初佩刀
夜吟閔月靜
秋望塞雲高
去去從軍樂
鷗飛獵馬豪

杜集

崔駙馬山亭宴集

蕭史幽棲地
林間踏鳳毛
沆沆何處入
亂石閉門高

客醉揮金椀
詩成得繡袍
清秋多宴會
終日困香醪

渡江

春江不可渡
二月已風濤
舟楫欹疾魚
龍偃卧高
渚花張素錦
汀草亂青袍
戲問垂綸客
悠悠見汝曹

八月十五夜月

二首其一

滿目飛明鏡
歸心折大刀
轉蓬行地遠
攀桂仰天高
水路疑霜雪
林棲見羽毛
此時瞻白兔
直欲數秋毫

避地

避地歲時晚
竄身筋骨勞
詩書遂墻壁
奴僕且旌旄

行在僅聞信此生隨所遭神童舊天下會見出腥臊

山寺

野寺殘僧少山園細路高麝香眠石竹鸚鵡啄金桃
亂水通人過懸崖置屋牢上方重閣晚百里見纖毫

北鄰

明府豈辭滿藏身方告勞青錢買野竹白幘岸江臯
愛酒晉山簡能詩何水曹時來訪老疾步履到蓬蒿

鷓鴣

故使籠寬織須知動損毛看雲莫悵望失水任呼號

六翮曾經剪孤飛卒未高且無鷹隼慮留滯莫辭勞

收京 三首 其三

汗馬收宮闕春城鏟賊壕賞應歌杖杜歸及薦櫻桃
雜虜橫戈數功臣甲第高萬方頻送喜無乃聖躬勞

題栢大兄弟山居屋壁 二首 其一

叔父朱門貴郎君玉樹高山居精典籍文雅涉風騷
江漢終吾老雲林得爾曹哀絃繞白雪未與俗人操

赴青城縣出成都寄陶王二少尹

老被樊籠役貧嗟出入勞客情投異縣詩態憶吾曹

東郭滄江合西山白雪高文章差底病迴首興滔滔
五言排律

類編

送柴司戶充劉卿判官之嶺外 高適

嶺外資雄鎮朝端寵節旄月卿臨幕府星使出詞曹
海對羊城濶山連象郡高風霜驅瘴癘忠信涉波濤
別恨隨流水交情托寶刀有才無不適行矣莫徒勞

河嶽英靈

追涼歷下古城西北隅此地有清泉喬木

盧象

謝眺出華省王祥貽佩刀前賢真可慕衰疾意空勞
貞悔不自卜遊隨共爾曹未能齊得喪時復誦離騷
閑蔭七賢地醉滄三士桃蒼苔虞舜井喬木古城壕
漁父偏相狎堯年不可逃蟬鳴秋雨霽雲白曉山高
咫尺傳雙鯉吹噓勿一毛故人皆得路誰肯念同袍

杜集

王閬州筵奉酬十一舅惜別之作

萬壑樹聲滿千崖秋氣高浮舟出郡郭別酒寄江濤

良會不復久此生何太勞窮愁但有骨群盜尚如毛
吾舅惜分手使君寒贈袍沙頭暮黃鶴失侶亦哀號

千秋節有感

二首
其二

御氣雲樓敞含風綵仗高仙人張內樂王母獻宮桃
羅鞞紅蕖豔金羈白雪毛舞階銜壽酒走索背秋毫
聖主他年貴邊心此日勞桂江流向北滿眼送波濤
臨邑舍弟書至苦雨黃河泛溢隄防之患
簿領所憂因寄此詩用寬其意

二儀積風雨百谷漏波濤聞道黃河拆遙連滄海高

職司憂悄悄郡國訴嗷嗷舍弟卑棲邑防川領簿曹
尺書前日至版築不時操難假龜鼉力空瞻烏鵲毛
燕南吹畎畝濟上沒蓬蒿螺蚌滿近郭蛟螭乘九臯
徐閔深水府碣石小秋毫白屋留孤樹青天失萬艘
吾衰同泛梗利涉想蟠桃倚賴天涯釣猶能掣巨鰲
喜聞官軍已臨賊寇二十韻

胡虜潛京縣官軍擁賊壕鼎魚猶假息穴蟻欲何逃
帳殿羅玄冕轅門照白袍秦山當警蹕漢苑入旌旄
路失羊腸險雲橫雉尾高五原空壁壘八水散風濤

今日看天意遊魂貸爾曹乞降那更得尚詐莫徒勞
元帥歸龍種司空握豹韜前軍蘇武節左將呂虔刀
兵氣回飛鳥威聲沒巨鼇戈鋌開雪色弓矢向秋毫
天步艱方盡時和運更遭誰云遺毒螫已是沃腥臊
睿想丹墀近神行羽衛牢花門騰絕漠拓羯渡臨洮
此輩感恩至羸俘何足操鋒先衣染血騎突劔吹毛
喜覺都城動悲吹子女號家家賞釵釧準擬獻香醪

七言絕句

正音

春宮曲

王昌齡

昨夜風開露井桃未央前殿月輪高平陽歌舞承新
寵簾外春寒賜錦袍

類編

送肖俛歸山

趙嘏

人間軒冕一鴻毛天上人情謾自勞脫却朝衣便東
去青雲不似白雲高

李集

贈華州王司士

淮水不絕濤瀾高盛德未泯生英髦知君先負廟堂
器今日還須贈寶刀

結襪子

燕南壯士吳門豪筑中置鉛魚隱刀感君恩重許君
命太山一擲輕鴻毛

杜集

戲為六絕
其三

縱使盧王掣翰墨劣於漢魏近風騷龍文虎脊皆君
馭歷塊過都見爾曹

從帝二明府續處覓綿竹三數叢

華軒藹藹他年到綿竹亭亭出縣高江上舍前無此
物幸分蒼翠拂波濤

七言律詩

正音

登洛陽故城

許渾

禾黍離離半野蒿昔人城此豈知勞水聲東去市朝
變山勢北來宮殿高鴉噪暮雲歸古堞鴈迷寒雨下
空壕可憐緱嶺登仙子猶自吹笙醉碧桃

驪山

聞說先皇醉碧桃日華搖動鬱金袍風隨玉輦笙歌
迥雲捲珠簾劔旆高鳳駕北歸春寂寂龍輿西幸水
滔滔蛾眉歿後巡遊少瓦落宮墻見野蒿

鼓吹

夜宴觀妓

薛逢

燈火熒煌醉客豪捲簾羅綺艷仙桃纖腰怕束金蟬
斷髮髮宜簪白燕高愁傍翠娥深八字笑迴丹臉利
雙刀無因得薦陽臺夢願拂餘香到緼袍

送丁道士歸南中

譚用之

孤雲無定鶴辭巢自負焦桐不說勞服藥幾年期碧
落驗符何處咒丹毫子陵山曉紅雲密青草湖平雪
浪高從此人稀見縱跡還應選地種仙桃

古劍

鑄時天匠待英豪紫焰寒星匣倍牢三尺何年拂塵
土四溟今日絕波濤雄應垓下收蛇陣滯想溪頭伴
豹韜惜是真龍懶拋擲夜來衝斗氣何高

別洛下一二知己

金鼎光輝照雪袍洛陽春夢憶波濤塵埃滿眼人情
異風雨前程馬足勞接塞娥眉通蜀險過山仙掌倚
秦高別來無限幽求子應笑區區味六韜

途次宿友人別墅

千里嶠函一夢勞豈知雲館共蕭騷半簾綠透隈寒
竹一榻紅侵墜晚桃蠻酒客稀知味長蜀琴風定覺
絃高感君岩下閑招隱細縷金盤繪錯刀

送謝進士歸閩

章碣

百越風烟接巨鼇還鄉心壯不知勞雷霆入地連溪

險星斗逼人梨嶺高却擁木綿吟麗句便攀龍眼醉
香醪名揚聲和喧喧在莫向林泉改鬢毛

李宣自殿院銜命歸闕拜員外郎

許渾

白筆南征變二毛越山愁瘴海驚濤纔居龍尾含雞
舌更立螭頭運兔毫閭闔欲開宮漏盡冕旒初坐御
香高金吾舊侶君先貴曾憶王祥與佩刀

十二月拜起居表回

一章西奏拜仙曹回馬天津址望勞寒水欲春冰彩

薄曉山初霽雪峯高樓形向日攢飛鳳宮勢凌波壓
并鰲空鎖烟霞絕巡幸周人誰識鬱金袍

途中偶作

温庭筠

石路荒唐接野蒿西風吹馬利如刀暮程投驛蕙蘭
靜廢寺入門禾黍高雞犬夕陽喧縣市鳧鷖秋水暴
城壕故山有夢不歸去官樹陌塵何太勞

長安雜題

其二首

杜牧

雨晴九陌鋪江練嵐嫩千峯疊海濤南苑草芳眠錦
雉夾城雲暖下霓旌少年羈絡青文王遊女花簪燕

蒂桃江碧柳深人盡醉一瓢顏巷日空高

光嶽英華

朝下寄韓舍人

耿滯

侍臣鳴珮出西曹鸞殿分階翊綵旄瑞氣迥浮青玉
案日華遙上赤霜袍花間焰焰雲旂合鳥外亭亭露
掌高肯念萬年芳樹裏隨風一葉在蓬蒿

杜負外兄示詩因作此寄上

嚴武

新詩海內流傳久舊德朝中屬望勞郡邑地卑饒霧
雨江湖天闊足風濤松花酒熟傍看醉蓮葉舟輕自

學操春興不知凡幾首衡陽紙價頓能高

類編

自蕭關望臨洮

王維

王關西路出臨洮風卷邊塵入馬毛寺寺院中無竹
柳家家壁上有弓刀惟憐戰士垂金甲未尚遊人著
白袍深巷獨吟秋色裏平原一望戍樓高

寄高書記

劉兼

齊朝慶裔祖敖曹麟角無雙鳳九毛聲價五侯爭辟
命文章一代振風騷醉琴自寄陶家意夢枕誰聽益

郡刀補袞應星曾奏舉北山南海孰為高

長安雜題

杜牧

觚稜金碧照山高萬國珪璋捧赭袍舐筆和鉛欺賈
馬贛公論道鄙蕭曹東南樓日珠簾捲西北天宛玉
勒豪四海一家無事日將軍携鏡泣霜毛

杜集

詠懷古跡

五首
其五

諸葛大名垂宇宙宗臣遺像肅清高二分割據紆籌
策萬古雲霄一羽毛伯仲之間見伊呂指揮若定失

蕭曹日運移漢祚終難復志決身殲軍務勞

奉和賈至舍人早朝大明宮

五夜漏聲催曉箭九重春色醉仙桃旌旗日暖龍蛇
動宮殿風微燕雀高朝罷香煙携滿袖詩成珠玉在
揮毫欲知世掌絲綸美池上千今有鳳毛

韓集

奉和庫部盧四兄曹長元日朝迴

天仗宵嚴建羽旄春雲送色曉鷄號金爐香動螭頭
暗玉珮聲來雉尾高戎服上趨承址極儒冠列侍映

東曹太平時節難身遇郎署何須歎二毛

五歌

五言絕句

正音

洛陽道作獻呂四郎中

三首其二

儲光羲

大道直如髮春日佳氣多五陵貴公子雙雙鳴玉珂

遺響

題竹林寺

朱放

歲月人間促烟霞此地多慙慙竹林寺更得幾回過

馬詩三首

李賀

汗血到王家隨鸞撼玉珂少君騎海上人見是青騾

思君恩二首

令狐楚

小苑鶯歌歇長門蝶舞多眼看春又去翠輦不曾過

李集

塞上曲三首

轉戰渡黃河休兵樂事多蕭條清萬里瀚海寂無波

杜集

絕句六首

藹藹花藥亂飛飛蜂蝶多幽棲身懶動客至欲如何

復愁十二首

萬國尚防寇故園今若何昔歸相識少早已戰場多

韓集

月臺

南館城陰闊東湖水氣多直須臺上看始柰月明何

酬馬侍郎寄酒

一壺情所寄四句意能多秋到無詩酒其如月色何

五言律詩

始音

送鄭州周司空

楊炯

漢國臨清渭京城枕蜀河居人下珠淚賓御促驪歌
望極關山遠秋深烟霧多唯餘三五夕明月暫經過

登高臺

盧照隣

回中道路嶮蕭關烽埃多五營屯右地萬乘出西河
單于拜玉墜天子按琯戈振旅汾川曲秋風橫大歌

正音

送汾城王主簿

韋應物

少年初帶印汾上又經過芳草歸時徧情人故郡多
禁鐘春雨細官樹野烟和相望東橋別微風起夕波

送彭將軍

卽士元

雙旌漢飛將萬里獨橫戈春色臨關盡黃雲出塞多
鼓鼙悲絕漠烽戍隔長河想到陰山路天驕已請和

從岐王過楊氏別業

王維

楊子談經處淮王載酒過興闌啼鳥緩坐久落花多
徑轉迴銀燭林開散玉珂嚴城時未落前路擁笙歌

同崔員外秋宵遇直

建禮高秋夜承明候曉過九門寒漏徹萬井曙鐘多
月迥藏珠斗雲消出絳河更慙衰朽質南陌共鳴珂

送韓司直

皇甫冉

遊吳還適越來往任風波復送王孫去其如芳草何
岸明殘雪在潮滿夕陽多季子留遺廟停舟試一過

三體

惠山寺

張祐

舊宅人何在空門客自過泉聲到池盡山色上樓多
小洞穿斜竹重堦夾細莎殷勤望城市雲外暮鐘和

勝果寺

僧處默

路自中峰上盤回出薜蘿到江吳地盡隔岸越山多
古木叢青靄遙天浸白波下方城郭近鐘磬雜笙歌
宣州使院留別韋應物

劉長卿

白雲乖始願滄海有微波戀舊爭趨府臨危欲負戈
春歸花燧暗秋傍竹房多耐可機心息其如羽檄何

夏夜西亭即事

耿滯

高亭賓客散暑夜醉相和細汗凝衣集微涼待扇過
風還池色定月晚樹陰多遙想隨行者珊珊動曉珂

早秋

許渾

遙夜泛清瑟西風生翠蘿殘螢委玉露早鴈拂金河
高樹晚還密遠山晴更多淮南一葉下自覺老烟波

廣陵道中

城勢已坡陀城邊東逝波綠桑非苑樹青草是宮莎
山暝牛羊少水寒鳧雁多因高一回首還詠黍離歌

送前緱氏常明府南游

酒闌橫劍歌日暮望閩河道直去官早家貧為客多
山昏函谷雨木落洞庭波莫盡遠遊興故園荒薜蘿

趨慈和寺移宴

高寺移清宴漁舟繫綠蘿潮平秋水闊雲斂暮山多
廣檻停簫鼓繁絃散綺羅西樓半牀月莫問待如何

江樓夜別

離別柰情何江樓凝艷歌蕙蘭秋露重蘆葦夜風多
深怨寄清瑟遠愁生翠蛾酒酣相顧起明月棹寒波

潼關蘭若

來往幾經過前軒枕大河遠帆春水闊高寺夕陽多
蝶影下紅藥鳥聲喧綠蘿故山歸未得徒詠採芝歌

春望思舊游

適意極春日南臺披薜蘿花光晴漾漾山色書峨峨
湘水美人遠信陵豪客多唯憑一瓢酒彈瑟縱高歌
正聲

夏日仙萼亭應制

宋之問

高嶺逼星河乘輿此日過野含時雨潤山雜夏雲多
睿藻光巖穴宸襟洽薜蘿悠然小天下歸路滿笙歌
旅宿淮陽亭口號

張九齡

日暮荒亭上悠悠旅思多故鄉臨桂水今夜渺星河

暗草霜華發空庭鴈影過興來誰與晤勞者自為歌

類編

送洪州李別駕之任

卽士元

南去秋江遠孤舟興自多能將流水引更入洞庭波
夏口帆初上潯陽鴈正過知音在霄漢佐郡豈蹉跎

邠州留別

耿滯

終歲山川路生涯竟若何艱難為客慣貧賤受恩多
暮角飄長韻寒流起夕波懸愁茂陵宅春色又相過

送陸郎中

錢起

事邊仍戀主舉酒復悲歌粉署含香別轅門載筆過
鶯聲出漢苑柳色過漳河相憶情難盡離居春草多
浮舟過滕逸人別業
孟浩然

水亭涼氣多閑棹晚來過澗影見藤竹潭香聞芰荷
野童扶醉舞山鳥咲酣歌幽賞未云徧烟光柰夕何

奉陪韋潤州遊鶴林寺

李嘉祐

野寺江城近雙旌五馬過禪心超忍辱梵語問多羅
松竹閑僧老雲烟晚日和寒塘歸路轉清磬隔微波

李集

金陵三首

六代興亡國三杯為爾歌苑方秦地少山似洛陽多
古殿吳花草深宮晉綺羅併隨人事滅東逝與滄波

宮中行樂詞八首

玉樹春歸日金宮樂事多後庭朝未入輕輦夜相過
笑出花間語嬌來竹下歌莫教明月去留着醉嫦娥

杜集

月下呈童秀才

自古悲搖落誰家柰此何夜蟲偏傍井高鳥數移柯

向老三年謫當秋百感多家貧唯有月空媿子歆過
暮寒

霧隱平郊樹風含廣岸波沉沉春色靜慘慘暮寒多
戍鼓猶長擊林鶯遂不歌忽思高宴會朱袖拂雲和

泛江

方舟不用楫極目摠無波長日容盃酒深紅淨綺羅
亂離還奏樂飄泊且聽歌故國流清渭如今花正多

征夫

十室幾人在千山空自多踞衢唯見哭城市不聞歌

漂梗無安地銜枚有荷戈官軍未通蜀吾道竟如何

章梓州水亭

城晚通雲霧亭深到芰荷吏人橋外少秋水席邊多
近屬淮王至高門薊子過荊州愛山簡吾醉亦長歌

舟前小鷺兒

鷺兒黃似酒對酒愛新鷺引頸嗔船逼無行亂眼多
翅開遭宿雨力小困滄波客散層城暮狐狸柰若何

懷錦水居上其二首

軍旅西征僻風塵戰伐多猶聞蜀父老不忘舜謳歌

天險終難立柴門豈重過朝朝巫峽水遠逗錦江波

將曉二首

軍吏回官燭舟人自楚歌寒沙蒙薄霧落月去清波
壯惜身名晚衰慙應接多歸朝日簪笏筋力定如何

秋日寄題鄭監湖上亭三首

新作湖邊宅還聞賓客過自須開竹徑誰道避雲蘿
官序潘生拙才名賈誼多捨舟應卜地鄰接意如何

江梅

梅蘂臘前破梅花年後多絕知春意早最奈客愁何

雪樹元同色江風亦自波故園不可見巫岫鬱嵯峨

暮春過鄭監湖亭泛舟得過字

海內文章伯湖邊意緒多玉樽移晚興桂楫帶醇歌
春日繁魚鳥江天足芰荷鄭莊賓客地衰白遠來過

觀兵

北庭送壯士貔虎數尤多精銳舊無敵邊隅今若何
妖氛擁白馬元帥待彫戈莫守鄴城下斬鯨遼海波

過宋員外之問舊莊

宋公舊池館零落首陽阿枉道祇從入吟詩許更過

淹留問耆老寂寞向山河更識將軍樹悲風日暮多

寓目

一縣蒲萄熟秋山首霜多
閑雲常帶雨塞水不成河
羌女輕烽燧胡兒制駱駝
自傷遲暮眼喪亂飽經過

蒹葭

摧折不自守秋風吹若何
暫時花載雪幾處葉沉波
體弱春苗早叢長夜露多
江湖後搖落亦恐歲蹉跎

日暮

日落風亦起城頭烏尾訛
黃雲高未動白水已揚波

羌婦語還哭胡兒行且歌
將軍別上馬夜出擁彫戈

陪鄭廣文遊何將軍山林

十首其十

幽意忽不愜歸期無柰何
出門流水住回首白雲多
自笑燈前舞誰憐醉後歌
祇應與朋好風雨亦未過

寄高三十五書記

歎息高生老新詩日又多
美名人不及佳句法如何
主將收才子崆峒足凱歌
聞君已朱紱且得慰蹉跎
白水明府舅宅喜雨得過字

吾舅政如此古人誰復過
碧山晴又濕白水雨偏多

精禱既不昧歡娛將謂何湯年旱頗甚今日醉弦歌

春宿左省

花隱掖垣暮啾啾棲鳥過星臨萬戶動月傍九霄多
不寢聽金鑰因風想玉珂明朝有封事數問夜如何

天末懷李白

涼風起天末君子意如何鴻鴈幾時到江湖秋水多
文章憎命達魑魅喜人過應共寃魂語投詩贈汨羅

惡樹

獨遶虛齋徑常持小斧柯幽陰成頗雜惡木剪還多

枸杞固吾有雞棲柰汝何方知不材木生長謾婆娑

梔子

梔子比衆木人間誠未多於身色有用與道氣傷和
紅取風霜實青看雨露柯無情移得汝貴在映江波

散愁

二首其一

久客宜旋旆興王未息戈蜀星陰見少江雨夜聞多
百萬轉深入寰區望匪他司徒下燕趙收取舊山河

佐還山後寄

三首其三

幾道泉澆圃交橫落幔坡葳蕤秋葉少隱映野雲多

隔沼連香艾通林帶女蘿甚聞霜薤白重惠意如何
五言排律

遺響

西溪

李商隱

悵望西溪水潺湲柰爾何不驚春物少只覺夕陽多
色染妖嬈柳光含窈窕蘿人間從到海天上莫為河
鳳女彈瑤瑟龍孫撼玉珂京華他夜夢好好寄雲波

正聲

晨自竹徑至龍興寺崇隱上人院

許渾

佛寺通南徑僧堂倚址坡藤陰迷晚竹苔滑仰晴莎
病憶春前別閑宜雨後過石橫間水遠林缺見山多
欲結三天社初降十地魔素龍來有窟靈鶴去無窠
客路隨萍梗鄉園失薜蘿禪心如可學不藉魯陽戈

類編

春日奉酬聖壽無疆詞十首其八

楊巨源

睿德符玄化芳情翊太和日輪皇鑒遠天仗聖朝多
曙色含金榜晴光轉玉珂中宮陳廣樂元老進賡歌

蓮葉看龜上桐花識鳳過小臣空擊壤滄海是恩波
題裴式微餘干東齋亭
劉長卿

世事終成夢生涯半欲過白雲心已矣滄海意如何
藜杖全吾道榴花養太和春風騎馬醉江月釣魚歌
散帙看虫蠹開門見雀羅遠山終日在芳草傍人多
吏體莊生傲方言楚俗訛屈平君莫弔腸斷洞庭波

陪盧明府泛舟回

孟浩然

百里行春返清流逸興多鷁舟隨鴈泊江火共星羅
已救田家旱仍憂俗化訛文章推後輩風雅激頽波

高岸迷陵谷新聲滿棹歌猶憐不調者白首未登科

杜集

傷春
其五首

聞說初東幸孤兒却走多難分太倉粟競棄魯陽戈
胡虜登前殿王公出御河得無中夜舞誰憶大風歌
春色生烽燧幽人泣薜蘿君臣重脩德猶足見時和

湖南送敬十使君適廣陵

相見各頭白其如離別何幾年一會面今日復悲歌
少壯樂難得歲寒心匪他氣纏霜匣滿冰置玉壺多

遭亂實漂泊濟時曾琢磨形容吾較老膽力爾誰過
秋晚岳增翠風高湖湧波騫騰訪知己淮海莫蹉跎
七言絕句

正音

聽舊宮人穆氏歌

劉禹錫

曾隨織女渡天河記得雲間第一歌休唱貞元供奉
曲當時朝士已無多

採蓮曲

賀知章

稽山罷霧鬱嵯峨鏡水無風也自波莫言春度美芝

盡別有中流採芰荷

咸陽

杜牧

咸陽宮闕鬱嵯峨六國樓臺艷綺羅自是當時天帝
醉不閑秦地有山河

同金壇令武平一退朝遊湖

儲光羲

朝來仙閣聽絃歌暝入花亭見綺羅池邊命酒憐風
月浦口還船惜芰荷

贈崔九

劉長卿

憐君一見一悲歌歲歲無如老去何白屋漸看秋草

沒青雲莫道故人多

閒行

張籍

老身不計人間事野寺秋晴每獨過
病眼較來猶斷酒却嫌行處菊花多

宮中詞

王建

魚藻宮中鎖翠娥先皇行處不曾過
如今池底休鋪錦菱角鷄頭積漸多

遺響

堤上行

三首其二

王涯

江南江北望烟波入夜行人相應歌
桃葉傳情竹枝怨水流無限月明多

經汾陽舊宅

趙嘏

門前不改舊山河破虜曾輕馬伏波
今日獨經歌舞地古槐疎冷夕陽多

漢陰亭樹

碧樹如烟覆晚波清秋欲盡客重過
故園亦有如烟樹鴻鴈不來風雨多

正聲

雅音集卷八
七里灘送嚴維

劉長卿

秋江渺渺水空波
越客孤舟欲榜歌
手折衰楊悲老大
故人零落已無多

宮詞

顧况

玉樓天半起笙歌
風送宮嬪笑語和
月殿影開聞夜漏
水晶簾捲近秋河

臨滹沱見蕃使列名

李益

漠南春色到滹沱
邊柳青青塞馬多
萬里江山今不閉
漢家頻許郅支和

贈少年

温廷筠

江海相逢客恨多
秋風葉下洞庭波
酒酣夜別淮陰市
月照高樓一曲歌

李集

送賀賓客歸越

鏡湖流水漾清波
狂客歸舟逸興多
山陰道士如相見
應寫黃庭換白鵝

杜集

少年行
其二首

巢燕養雛渾去盡江花結子也無多黃衫年少來宜
數不見堂前東逝波

喜聞盜賊蕃寇摠退口號

五首
其四

勃律天西采玉河堅昆碧盃最來多舊隨漢使千堆
寶少谷胡王萬匹羅

承聞河北諸道節度入朝歡喜口號

十一首
其九

東逾遼水北滹沱星象風雲喜共和紫氣關臨天地
闕黃金臺貯俊賢多

韓集

湘中

猿愁魚踊水翻波自古流傳是汨羅蘋藻滿盤無處
真空聞漁父扣舷歌

聞梨花發贈劉師命

桃蹊惆悵不能過紅艷紛紛落地多聞道郭西千樹
雪欲將君去醉如何

七言律詩

正音

送魏萬之京

李頎

朝聞遊子唱離歌昨夜微霜初渡河鴻鴈不堪愁裏
聽雲山况是客中過闕城曙色催寒近御苑砧聲向
晚多莫是長安行樂處空令歲月易蹉跎

三月三日李明府後庭泛舟 劉長卿

江南風景復如何聞道新亭更欲過處處紉蘭春浦
鮮萋萋藉草遠山多壺觴湏就陶彭澤時俗猶傳晉
永和更待持撓隨轉去微風落日水增波

遺響

和樂天早春見寄

元稹

雨香雲淡覺微和誰送春聲入棹歌萱近址堂穿土
早柳偏東面受風多湖添水色消殘雪江送潮頭湧
漫波同受新年不同賞無由縮地欲如何

三體

聞歌

李商隱

歛笑凝眸意欲歌高雲不動碧嵯峨銅臺罷望歸何
處玉輦忘還事幾多青塚踞邊南鴈盡細腰宮裏北
人過此聲腸斷非今日香燭燈光柰爾何

鼓吹

送孔巢父赴河南軍

皇甫冉

江城相送阻烟波，况復新秋一鴈過。
聞道全師征北虜，更言諸將會南河。
邊心杳杳鄉人絕，塞草青青戰馬多。
共許陳琳工奏記，知君名宦未蹉跎。

經煬帝行宮

劉滄

此地曾經翠輦過，浮雲流水竟如何。
香消南國美人盡，怨入東風芳草多。
殘柳宮前空露葉，夕陽江上浩烟波。
行人遙起廣陵思，古渡月明聞棹歌。

題靈雲寺

司空曙

春山古寺遶烟波，石磴盤空鳥道過。
百丈金身開翠壁，萬龕燈焰隔烟蘿。
雲生客到侵衣濕，花落僧禪覆地多。
不與方袍同結足，下歸塵世竟如何。

春日偶成

温廷筠

西園一曲艷陽歌，擾擾車塵負薜蘿。
自欲放懷猶未得，不知經世竟如何。
夜聞猛雨殘花盡，寒戀重衾夢覺多。
釣渚別來應更好，春風還為起微波。

幽居寄李秘書

譚用之

幾年帝里阻烟波，敢向明時扣角歌。
看盡好花春即

穩醉殘紅日夜吟多印開夕照垂楊柳畫破寒潭老
芰荷昨夜前溪有龍鬪石橋風雨少人過

山中春晚寄賈負外

不隨黃鶴起烟波應笑無成返薜蘿看盡好花春卧
穩醉殘紅日夜吟多高添雅興松千尺暗養清陰竹
數科珍重仙曹舊知己往來星騎一相過

陳疾

司空圖

自憐旅舍亦酣歌世路無幾奈爾何霄漢逼來心不
動鬢毛白盡興猶多殘陽暫照鄉関近遠鳥因投嶽

廟過閑得此身歸未得磬聲深夏隔烟蘿

浙上二首
其一

華下支離已隔河又來此地避干戈山田漸廣猿猴
到村舍新添燕亦多丹桂石楠宜並長秦雲楚雨暗
相和兒童栗熟迷歸迳歸得仍隨牧豎歌

洛水

羅鄴

一道潺湲淺暖莎年年惆悵是春過莫言行路聽如
此流入深宮恨更多橋畔月來清見底柳邊風去綠
生波縱然兩眼添歸思未把漁竿奈爾何

正聲

河中鸛雀樓

張喬

高樓懷古動悲歌
鸛雀今無野雀過
樹隔五陵秋色
早水連三晉夕陽
多漁人遺火成寒
燒牧笛吹風起
夜波十載重來
值搖落天涯歸計
欲如何

詩選

盧上人自巴蜀由湘潭歸茅山因贈

許渾

太一靈方鍊紫荷
紫荷飛盡髮皤皤
猿啼巫峽曉雲

薄鴈宿洞庭秋月多
導引豈如桃葉舞
步虛寧比竹枝歌
華陽舊隱莫歸去
水沒芝田生綠莎

聞州中有讌寄崔大夫兼簡刑群評事

簫管筵間列翠娥
玉盃金液耀金波
池邊雨過飄帷幕
海上風來動綺羅
顏子巷深青草遍
庾君樓迥碧山多
甘心不及同年友
卧聽行雲一曲歌

韶州韶陽樓夜讌

待月西樓捲翠羅
玉盃瑤瑟近星河
簾前碧樹窮秋
密窗外青山薄暮
多鸚鵡未知狂客
醉鷓鴣先讓美

人歌使君莫惜通宵飲刀筆初從馬伏波

戲代李協律松江有贈

蜀客操琴吳女歌明珠十斛是天河霜疑薜荔怯秋
樹露滴芙蓉愁晚波蘭浦遠鄉應解珮柳堤殘月未
鳴珂西樓沉醉不知散潮落洞庭洲渚多

鄭秀才東歸憑達家書

欲寄家書少客過閉門心遠洞庭波兩岩花落夜風
急一徑草荒春雨多愁泛楚江吟浩渺憶歸吳岫夢
在峨貧居不問應知處溪上閑船繫綠蘿

